

反
薛舍上滿開反
物上蒸上接也
栗良吉反
祥下子即反
牛下音歌字
弭映底一徒
卒昌軟反
宴其
擎上

反
枚梅音
稔汝審反
漱蒲沒反
舛昌軟反
宴其
擎上

反
舍上酒也
栗良吉反
祥下子即反
牛下音歌字
弭映底一徒
卒昌軟反
宴其
擎上

反
加反
還音
智反
挾胡
反
疣于
反
迄責
梗繁

反
栗良吉反
肩先節
築作滓音
浸漬

反
弭映底一徒
卒昌軟反
宴其
擎上

反
弭映底一徒
卒昌軟反
宴其
擎上

反
弭映底一徒
卒昌軟反
宴其
擎上

大唐西域求法高僧傳卷下

此卷十五人并重歸南海傳

三藏法師義淨撰

道琳法師者荊州江陵人也梵名尸羅鉢頗唐云戒光弱冠之年披緇離俗成人之歲訪友尋真搜律藏而戒珠瑩啓禪門而定水清稟性虛潔雅操廉貞濯青溪以恬志漱玉泉

而養靈既常坐不卧一食全誠後復慨大教東流時經多載定門光入律典頗窺遂欲尋流討源遠遊西國乃杖錫遐逝鼓舶南溟越銅柱而届郎迦歷詞陵而經裸國所在國王禮待極致殷厚經乎數載到東印度耽摩立底國住經三年學梵語於是捨戒重受學習

一切有部律非唯學兼定慧蓋亦情耽呪藏後乃觀化中天頂禮金剛御座菩提聖儀復至那爛陀寺搜覽大乘經論瀆情俱含經於數年至於鷲嶺杖林山園鵠樹備盡翹仰並展精誠乃遊南天竺國搜訪玄謨向西印度於羅茶國住經年稔更立靈壇重稟明呪嘗試論之曰夫明呪者梵云毗睇陀羅必得澤丁反家毗睇譯爲明呪陀羅是持必得家是藏應云持明呪藏然相承云此呪藏梵本有十萬頌唐譯可成三百卷現今求覓多失少全而大聖沒後阿離野那伽曷樹那即龍樹菩薩特精斯要時彼弟子厥号難陀聰明博識清意斯典在西印度經十二年專心持呪遂便感應每至食時食從空下又誦呪求如意瓶不久便獲乃於瓶中得經歡喜不以呪結其瓶遂去於是難陀法師恐明呪散失遂便撮集可十二千頌成一家之言每於一頌之內離合呪印之文雖複言同字同實乃義別

用別自非口相傳授而實解悟無因後陳那論師見其製作巧殊人智思極情端撫經歎曰嚮使此賢致意因明者我復何顏之有乎是知智士識已之度量愚者闇他之淺深矣斯之呪藏東夏未流所以道琳意非斯妙故呪藏云昇天乘龍役使百神利生之道唯呪是

親淨於那爛陀亦屢入壇場希心此要而爲功不並就遂泯斯懷爲廣異聽粗題綱目云余道琳遂從西境轉向北天觀化羯濕弥羅便入烏長那國詢訪定門搜求般若次往迦畢試國禮烏卒膩沙佛頂骨也自余之後不委何託淨迴至南海羯茶國有北方胡至云有兩僧胡國逢見說其狀跡應是其人與智弘相隨擬歸故國聞爲途賊斯擁還乃覆向北天年應五十餘矣

曇光律師者荊州江陵人也旣其出俗遠適京師即誠律師之室灑善談論有文情學兼内外戒行清謹南遊溟渤望禮西天承已至

訶利雞羅國在東天之東年在盛壯不委何之中方寂無消息應是擯落江山耳又見訶利雞羅國僧說有一唐僧年餘五十得王敬重秉權一寺多寶經像好行楚捷即於此國遇疾而瘞他鄉矣

慧命禪師者荊州江陵人也戒行踈通有懷節操學兼內外逸志雲表仰祥河而標想念竹苑而翹心況舶行至占波遭風而屢遭艱苦適馬援之銅柱息上景而歸唐

玄達律師者潤州江寧人也俗姓胡令族高宗兼文兼武尚仁貴義敬法敬僧枝葉蟬縣嘉聲靡墜律師則童子出家長而欽德及其

進具卓爾不群遍閱律部偏務禪寂戒行嚴峻誠罕其流聽諸大經頗究玄義博覩文什草隸尤精空有三衣袒膊爲飾不披覆膊衣角搭肩入寺徒跣行途著履縱使時人見笑高節曾不間然不卧長坐詎脇安眠之席杜多乞食寧過酒肆之門善人皆愛草鞋巧知

皮赤無過監者足不履地能閉露脚是儀嗟乎此子闇與理諧激揚清波恥汨泥而從俗獨醒在旦豈共醉而居昏纔於丹陽一面遂即同契南上昆季留連愴矣三荆之折友于攀絕傷哉八翼之離以爲傳法在懷無抑高節行至廣州遂染風疾以斯嬰帶弗遂遠懷

於是悵恨而歸返錫吳楚年二十五六後僧哲師至西國云其人已亡有疾于懷嗟乎不幸勝途多難驗非虛矣實冀還以法資空有鬱藍之望復欲旋歸遺鍔徒懷龍樹之心乃歎曰淑人斯去誰當繼來不幸短命嗚呼哀哉九仞希岳一簣便摧秀而不實嗚呼哀哉

解乎易得行也難求嗟爾幼年業德俱修傳燈念往嬰痼情收慨乎壯志哀哉去留庶傳爾之令節秉輝曜於長秋于時遠師言離廣府還望桂林去留愴然自述贈懷云爾標心之梵宇運想入仙洲嬰痼乖同好沉情阻若抽葉落乍難聚情離不可收何日乘杯

至詳觀演法流淨以咸亨元年在西京尋聽于時與并部處一法師萊州弘禕論師更有三二諸德同契鷲峯標心覺樹然而一公屬母親之年老遂懷戀於并川禕師遇玄瞻於江寧乃敦情於安養玄達既到廣府復阻先心唯與晉州小僧善行同去神州故友索余

分飛印度新知冥焉未會此時躊躇難以爲懷戲擬四愁聊題兩絕而已 五言

我行之數萬愁繙百重思那教六尺影獨步五天陸 五言 重自解憂日

上將可陵師延士志難移如論惜短命何得滿長祇

于時咸亨三年坐夏楊府初秋忽遇龔州使君馮孝誼至廣府與波斯舶主期會南行復蒙使君命往崑州重爲檀主及弟孝誕使君孝軒使君郡君寧氏郡君彭氏等合門眷屬咸見資贈爭抽上賄各捨奇食庶無乏於海途恐有勞於險地篤如親之惠順給孤之心

共作歸依同緣勝境所以得成禮謁者蓋馮家之力也又嶺南法俗共餽去留之心北土英儒俱懷生別之恨至十一月遂乃面翼軒皆番禺指鹿園而遐想望雞峯而太息于時廣莫初颶向朱方而百丈雙桂離箕割節棄玄朔而五兩單飛長截洪溟似山之濤橫海

斜通巨壑如雲之浪滔天未滿兩旬果之佛逝經停六月漸學聲明王贈支持送末羅瑜國今改利佛逝也復停兩月轉向羯茶至十二月舉帆還乘王舶漸向東天矣從羯茶北行十日餘至裸人國向東望岸可一二里許但見椰子樹檳榔林森然可愛彼見舶至爭乘小艇有盈百數皆將椰子芭蕉及藤竹器來求市易其所愛者但唯鐵焉大如兩指得椰子或五或十丈夫悉皆露體婦女以片葉遮形商人戲授其衣即便握手不用傳聞斯國當蜀川西南界矣此國既不出鐵亦寡金銀但食椰子諸根無多稻穀是以盛呵最爲珍貴

此國名鐵爲盧阿其人容色不黑量等中形巧纖圍藤箱餘處莫能及若不共交易便放毒箭一中之者無復再生從茲更半月許望西北行遂達耽摩立底國即東印度之南界也去莫訶菩提及那爛陀可六十餘驛於此創與大乘燈師相見留住一載學梵語習聲論遂與

五

燈師同行取正西路商人數百詣中天矣去莫訶菩提有十日在過大山澤路險難通要藉多人必無孤進于時淨染時患身體疲羸求趁商徒旋困不能及雖可屬已求進五里終須百息其時有那爛陀寺二十許僧并燈上人並皆前去唯餘單已孤步險隘日晚晡時山賊便至援弓大喚來見相陵先撮上衣次抽下服空有絛帶亦並奪將當是時也實謂長辯人代無諧禮謁之心體散鋒端不遂本求之望又彼國相傳若得白色之人殺充天祭旣思此說更軒于懷乃入泥坑遍塗形體以葉遮蔽扶杖徐行日云暮矣營處尚遠

至夜兩更方及徒侶聞燈上人村外長吠既

棹而歸年三十許

其相見念授一衣池內洗身方入村矣從此北行數日先到那爛陀敬根本塔次上耆闍崛見疊衣處後往大覺寺禮真容像山東道俗所贈純綺持作如來等量袈裟親奉披服漢州玄律師附羅蓋數萬爲持奉上曹州安

道禪師寄拜禮菩提像亦爲禮訖于時五體

布地一想虔誠先爲東夏四恩普及法界含識願龍花摠會遇慈氏尊並契真宗獲無生智次乃遍禮聖跡過方丈而届拘尸所在欽誠入鹿園而跨雞嶺住那爛陀寺十載求經方始旋踵言歸還耽摩立底未至之間遭大

聖教實有堪能矣

僧哲禪師者澧州人也幼敦高節早託玄門而解悟之機實有灌瓶之妙談論之銳固當重席之美沉深律苑控總禪畦中百兩門久提綱目莊劉二籍亟盡樞關思慕聖蹤汎舶西域既至西土適化隨緣巡禮略周歸東印度到三摩呾吒國國王名曷羅社跋吒其王

之命於此昇船過羯荼國所將梵本三藏五十萬餘頃唐譯可成千卷擁居佛逝矣善行師者晉州人也少辭藻梓訪道東山長習律儀寄情明呪溫恭儉素利物是心則淨之門人也隨至室利佛逝有懷中土旣沉痼疾返

劫賊僅免毫刃之禍得存朝夕

度到三摩呾吒國國王名曷羅社跋吒其王旣深敬三寶爲大鷗波索迦深誠徹信光絕前後每於日日造拓模泥像十萬軀讀大般若十萬頃用鮮花十萬朵親自供養所呈薦設積與人齊整駕將行觀音先發幡旗鼓樂

漲日弥空佛像僧徒並居前引王乃後從於王

城內僧尼有四千許人皆受王供養每於晨朝令使入寺合掌房前急行疾問大王奉問法師等宿夜得安和不僧答曰願大王無病長壽國祚安寧使返報已方論國事五天所有聰明大德廣慧才人博學十八部經通解五明大論者並集茲國矣良以其王仁聲普洎駿骨遐收之所致也其僧哲住此王寺尤蒙別禮存情梵本頗有日新矣來時不與相見承聞尚在年可四十許僧哲弟子玄遊者高麗國人也隨師於師子國出家因住彼矣

右五十人

智弘律師者洛陽人也即聘西域太史王玄策之姪也年纔弱歲早狎冲虛志蔑輕肥懷情棲遁遂往少林山食松服餌樂誦經典頗工文筆既而悟朝市之誼譁尚法門之澄寂遂背八水而去三吳捨素褪而擐縉服事嗟禪師爲師稟承恩惠而未經多載即髮歸玄關復往蘄州忍禪師處重修定歛而芳根雖

植崇條未聳遂濟湘川跨衡嶺入桂林而託想遁幽泉以息心頗經年載仗寂禪師爲依止覩山水之秀麗翫林薄之清虛揮翰寫衷製幽泉山賦申遠遊之壤旣覽三吳之法匠頗盡芳筵歷九江之勝友幾闇妙理然而宿植善根匪由人獎出自中府欲觀禮西天幸遇無行禪師與之同契至合浦昇船長汎舍溟風便不通漂居上景覆向交州住經一夏旣至久末復往海濱神灣隨舶南遊到室利佛逝國自餘經歷具在行禪師傳內到大覺寺住經二載瞻仰尊容傾誠勵想諷誦梵本月故日新闢聲論能梵書學律儀習對法旣解俱含復善因明於那爛陀寺則披覽大乘在信者道場乃專功小教復就名德重洗律儀懇懃勸勸無忘寸影習德光律師所製律經隨聽隨譯實有功夫善護浮囊無虧片檢常坐不卧知足清廉奉上謙下久而弥敬至於王城鷲嶺巒苑鹿林祇樹天階菴顯山穴備中翹想

並契幽心每掇衣鉢之餘常懷供益之念於那爛陀寺則上食普設在王舍城中乃器供常住在中印度近有八年後向北天羯濕弥羅擬之鄉國矣聞與琳公爲伴不知今在何所然而翻譯之功其人已就矣

唐云慧天無行禪師者荊州江陵人也梵名般若提婆

唐云慧天叶性虛融稟質溫雅意有仁德志重煙霞而竹馬之年投足石渠之署暨乎弱元有懷金馬之門頗已漁獵百氏流睇三經州望推奇鄉曲排雋于時則絢彩霞開鏡三江而挺秀芳思泉湧灌七澤而流津然宿因感會今果現前希慕法門有窺玄化幸遇五人之度爰居等戒道場既而創染譯門初嚮法侶事大福田寺慧英法師爲駄波駄耶唐云親說也斯乃吉藏法師之上足可謂蟬聯碩德固乃世不乏賢於是標心般若接志禪居屏棄人間往來山水每因談玄講肆擊闡微言雖年在後生望逾先進及乎受具同壇乃二十

餘人誦戒契心再辰便了咸稱上首餘莫能加次隱幽巖誦法華妙典不盈一月七終乃歎曰夫尋筌者意在得魚求言者本希趣理宜可訪名匠鏡心神啓定門斷煩惑遂乃杖錫九江移步三越遊衡岳處金陵逸想嵩華長吟少室濯足八水舉杖三川求善知識即其志也或攜定門而北上獵智者禪匠之精微靡戒獻而東歸究道宣律師之淳粹聽新舊經論討古今儀則洋洋焉波瀾萬頃嶷巍也崖岸千尋與智弘爲伴東風況舶一月到室利佛逝國國王厚禮特異常倫布金花散金粟四事供養五體呈心見從大唐天子處來倍加欽上後乘王舶經十五日達末羅瑜洲又十五日到羯荼國至冬未轉舶西行經三十日到那伽鉢賣那從此汎海二日到師子洲觀禮佛牙從師子洲復東北汎舶一月到訶利雞羅國此國乃是東天之東界也即贍部洲之地也停住一年漸之東印度恒與

智弘相隨此去那爛陀途有百驛既停息已
便之大覺蒙國家安置入寺俱爲主人西國主
人稍難得也若其得主則衆事皆同如也爲
客但食而已禪師後向那爛陀聽瑜伽習巾
觀研味俱舍探求律典復往茲羅茶寺去斯
兩驛彼有法匠善解因明屢在芳筵習陳那
法稱之作者莫不漸入玄關頗開幽鍵每唯
杖錫乞食全軀少欲自居情超物外曾因閑
隙譯出阿笈摩經述如來涅槃之事略爲三
卷已附歸唐是一切有部律中所出論其進
不乃與會寧所譯同矣行禪師說既言欲居
西國復道有意神州擬取北天歸乎故里淨
來日從那爛陀相送東行六驛各懷生別之
恨俱希重會之心業也茫茫流酒交袂矣春秋
五十六又禪師稟性好上欽禮每以覺樹初葉
觀洗沐於龍池竹苑新黃奉折花於鷲嶺此時也春中也皆是大節會無間遠近道俗咸
觀洗皆提樹也又鷲峯山此時有黃花大如手許實同金色人皆折情上呈當

此二時亦覆山野名春女花耳曾於一時與

行禪師同遊鷲嶺瞻奉既訖遐眺鄉關無任

殷憂淨乃聊述所懷云亦雜言詩曰

觀化祇山頂流睇古王城萬載池猶潔千年
苑尚清旛旛影堅路摧殘廣脇嶧七寶仙臺
亡舊迹四彩天花絕雨聲聲華遠自恨生何
晚旣傷火宅眩中門還嗟寶渚迷長坂步陟

平郊望心遊七海上擾擾三界溺邪津渾渾
萬品亡真匠唯有能仁獨圓悟廓塵靜浪開
玄路剝逢飢命棄身城更爲求人崩意樹施
持囊畢契戒珠淨戒被甲要心忍衣固忍三
祇不倦陵二車一足忘勞趣九數勤定歟江

清沐久結定智劍霜凝斬新霧蠻無邊大劫
無不修六時懸生遵六度度有流化功德收
金河示滅歸常住鶴林權唱演功周聖徒佳
昔傳餘響龍宮秘典海中探石室真言山處
仰流教在茲辰傳芳代有人沙河雪嶺迷朝
徑巨海鴻崖亂夜津入萬死求一生投鉗偶
尤非同渝速馬懸車豈等程不徇今身樂無

祈後代榮誓捨危軀追勝義咸希畢契傳燈
情勞歌勿復陳延眺旦周巡東睇女巒留二
迹西馳鹿苑去三輪北睨舍城池尚在南睇
尊嶺尤猶存五峯秀百池分粲粲鮮花明四
曜輝輝道樹鏡三春揚錫指山阿嚮步上祇

陀旣覩如來疊衣石復觀天授送餘裁佇靈
鎮凝思遍生河金花逸掌儀前奉芳蓋陵虛
殿後過旋達經行砌目想如神契迴斯少福
潤生津共會龍花捨塵翳

一三五七九言在西國懷舍城舊之作遊愁赤縣遠丹
思抽鷺嶺寒風駛龍河激水流旣喜朝聞日

復日不覺頽年秋更秋已畢耆山本願誠難

遇終望持經振錫往神州

法振禪師者荊州人也景行高尚唯福是修
濯足禪波棲心戒海法侶欽肅爲導爲歸諷
誦律經居山居水而思禮聖迹有意西邇遂
共同州僧乘悟禪師梁州乘如律師學窮內
外智思鉢深其德不孤結契遊踐於是攜二

友出三江整帆上景之前鼓浪訶陵之北巡
歷諸島漸至羯茶未久之間法振遇疾而殞
年可三十五六旣而一人斯委彼二情疑遂
附舶東歸有望交趾覆至瞻波弗林邑也乘悟
又卒瞻波人至傳說如此而未的委獨有乘

如言歸故里雖不結實仍嘉令秀専獨何爲
三無一就耳大津法師澧州人也幼染法門
長敦節儉有懷省欲以乞食爲務希禮聖跡
啓望王城每歎曰釋迦悲父旣其不遇天宮
慈氏宜勗我心自非覩覺樹之真容謁祥河
之勝躅豈能收情六境致想三祇者哉遂以
永淳二年振錫南海爰初結旅頗有多人及
其角立唯斯一進乃齋經像與唐使相逐汎
舶月餘達尸利佛逝洲停斯多載解崑崙語
頗習梵書潔行齊心更受圓具淨於此見遂
遣歸唐望請天恩於西方造寺旣覩利益之
弘廣乃輕命而復滄溟遂以天授三年五月

十五日附舶而向長安矣今附新譯雜經論

十卷南海寄歸內傳四卷

西域求法高僧傳兩卷

贊曰

嘉余幼年慕法情堅既虔誠於東裏復請益於西天重指神州爲物淹流傳十法之弘法竟千秋而不秋

右摠五十六人又重歸南海傳有師資四人
苾芻貞固律師者梵名婆羅笈多貞固譯爲即鄭地榮川人也俗姓孟粵以驅鳥之歲早蘊慈門摠角之秋棲心慧苑年甫十四遂丁茶蓼眷流俗之難保知法門之可尚爰興正念企步勝場遂於汜水等慈寺遠法師處伸侍席之業意存教網便誦大經經三兩歲師遂淪

峻聳六度而疏巖五塵無雜九惱非驚外跨四流內澄三定法俗欽望推爲導首特蒙綸旨召入神都在魏國東寺居多聞之數固師年餘二十即於禪師足下而進圓具纔經一年載摠涉律綱覆向安州秀律師處三載端心讀宣律師文鈔可謂問絕駢波離貫五篇之表裏受諧毗舍女洞七聚之幽閑律云五歲得遊方未至歲而早契十年離依止不届年局自念教檢未窺難辨其偽即往東魏聽覽唯識復往安州大猷禪師處習學方等數旬未滿即妙相現前復往荊州歷諸山水求善知識希覓未聞復往襄州遇善導禪師受弥陀勝行當余之時交望卉索訶之穢土即欲後經十六年不離函丈幽窮諸部鑄鍊數家

將守律師疏以爲宗本然後去三楊之八水復向黃州報所生地次往安州大興律教諸王刺史咸共遵承故律云若有律師處與我身不殊居十力寺年七十餘方始寂化戒行清素耳目詳知嗟乎代有其人棟梁佛日蟬聯靡絕繼踵相承實謂漢珍荆玉雖別川而

俱媚桂枝

蘭葉縱易節而同芳固師既得律典所通便披經論又復誦法華維摩向一千遍心心常在和上處重聽蘇咀羅披尋對法藏頗通蘊處薄檢衣珠化城是息終期寶渚遂乃濯足襄水顧步廬山仰上德之清塵住東林而散志有意欲向師子洲頂禮佛牙觀諸聖迹以垂拱之歲移錫桂林適化遊方漸之清遠峽谷同緣赴感後届番禺廣府法徒請開律典時屬大唐

聖主天下普置三師欲令佛日再明法舟長

沈旣而威儀者律也固亦衆所欽請三歲道場講毗奈耶教經乎九夏爰竟七篇善教法徒沉誘時俗于時制旨寺恭闈梨每於講帝親自提獎可謂恂恂善誘弘濟忘倦闍梨則童真出家高行貞節年餘七十而恒敬五篇有福之人可逢上智實乃禪池淼漫引法海而通波思嶺崔嵬踈慧獄而騰峭深明幻本巧悟心源雖閑諸法體空而利物之用盛集構有爲之福業作無上之津梁而屢寫藏經常營衆食實亦衆所知識應物感生勸悟諸人共敷律教固師既法侶言散還向峽山冀託松林之下用畢幽棲之志蒙謙寺主等特見賓迎寺主乃道冠生知體含仁恕供承四海靡倦三朝屈已申他卑辭是務固師意欲息想山門有懷營構傾廊通直道脫階正邪基曲制山池希流八解之清潤傍開壇界翼闡七聚之芳規復欲於戒壇後面造一禪龕立方等

軌儀已繼綱目又每歎曰前不遭釋父後未遇慈尊末代時中如何起行既沉今於空有之際復躊躇於多師之門矣淨於佛逝江口昇船附書憑信廣州見求墨紙抄寫梵經并雇手直干時商人風便舉帆高張遂被載來求住無路是知業能裝飾非人所圖遂以永昌元年七月二十日達于廣府與諸法俗重得相見于時在制旨寺處衆嗟曰本行西國有望流通迺住海南經本尚闕所將三藏五十餘萬言並在佛逝國事須覆往既而年餘五十重越流波險駄不留身城難保朝露溘至何所囑焉經典既是要門誰能共往收取隨譯

石門之前褰衣制旨之內始傾一蓋合襟情未面而實冥符宿心共在良宵頗論行事固乃荅曰道欲合不介而自親時將至求抑而不可謹即共弘三藏助燭千燈者歟於是重往峽山與謙寺主等言別寺主乃照機而作曾不留連見述所懷咸助隨喜已闕無念他濟是心並爲資裝今無少乏及廣府法俗悉贈資糧即以其年十一月一日附商舶去悉禹望占波而陵帆指佛逝以長驅作舍生之梯磴爲欲海之舟艤愛有懷於從志庶無廢於長途固師年四十矣讚曰

智者植業稟自先因童年潔想唯福是親情求勝已意仗明仁非馨香於事利固實受於固父探律教早蘊精誠儻得其人斯爲善伴亦旣纔聞此告歸雅合求心於是裁封山肩薄陳行李固乃啓封暫觀即有同行之念譬平遼城一發下三將之雄心雪山小偈牽大隱之深志遂乃喜辭幽澗歡去松林攘臂

致遠懷於覺樹遂仗藜於桂林_琪怡神峽谷
近物廣川既而追舊聞於東夏復欲請新教
以南遄希敷揚於未布冀傳芳於未傳慶斯
人之壯志能爲物而身捐_四爲我良伴共屆
金洲能持梵行善友之由船車遙濟手足相
求儻得契傳燈之一望亦是不慙生於百秋
_其既至佛逝宿心是契得聽未聞之法還觀
不覩之例隨譯隨受詳檢通滯新見新知巧
明開制博識多智每勵朝聞之心恭儉勤懷
無憂夕死之計恐衆多而事撓且逐靜而兼
濟縱一焰之隨風庶千燈而罔翳_六又貞固
弟子一人俗姓孟名懷業梵号僧伽提婆祖
父本是北人因官遂居嶺外家屬權停廣府
慕法遣奉師門雖可年在弱冠而實志逾強
仕見師主懷弘法之念即有隨行之心割愛
抽悲投命滇徼至佛逝國解骨燄語頤學梵
書誦俱舍論偈雖事憑於一獵冀有望於千
途儻能勤於熟思希比迹於生芻且爲侍者

現供翻譯年七十耳

苾芻道宏者梵名佛陀提婆

唐云覺天

汴州雍丘

人也俗姓靳其父早因商侶移步南遊遠歷
三江遐登五嶺遂過韶部後届峽山覩巖谷
之清虛訖川源之澄寂逢善知識披緇釋素
于時道宏其年尚小任業夙而笄轉隨父師
而遊涉入桂林以翹想步幽泉而疊息父名
大感禪師遂於寂禪師處學秘心開頤經年

載薄知要義還之峽谷道宏隨父亦復出家
年滿二十此焉進具往來廣府出入山門雖
可年望未高而頗懷節槩既聞淨至走赴莊
嚴詢訪所居云停制旨一申禮事即有契於
行心再想生津實無論於性命聞說滔天之
浪蔑若小池觀橫海之鯨意同鮠鱣尋即重
之清遠言別山庭與貞固師同歸府下於是
乎畢志南海共赴金剛擬寫三歲德被千秋識
悟聰敏叶性溫柔頗攻草餘復覩莊周體齊

涉能臨懼而善籌雖功未廟於移照終有慶
於英猷英猷何陳求法輕身不計樂而爲樂
不將親而作親欲希等生靈於己體豈若媿

芻狗而行仁既至佛逝敦心律藏隨譯隨寫
傳燈是望重瑩戒珠極所欽尚求寂滅之圓
成弃生津之重障畢我大業由斯小匠慶余

拔擢於有流庶福資於無量年二十三矣

茲芻法朗者梵名達磨提婆唐云襄州襄陽

人也住靈集寺俗姓安實乃家傳禮義門襲
冠纓童年出家欽修是務遂離桑梓遊涉嶺
南淨至番隅報知行李雖復學悟非遠而實
希尚情深意存喜相隨同越滄海經餘一月屆
乎佛逝亦既至此業行是修曉夜端心習因
明之秘典晨昏勵想聽俱舍之幽宗既而一
簣已傾庶因墮於九仞三藏虔念擬剗成乎
五篇弗憚劬勞性有聰識復能志託弘益抄
寫忘疲乞食自濟但有三衣袒膊塗跣尊修
上儀雖未成於角立終有慕於囊錐凡百徒

侶咸布自樂余獨標心利生是恪勤勸何始
專思至理若能弘廣願於悲生冀大明於慈
氏年二十四矣

其僧貞固等四人既而附舶俱至佛逝學經
三載梵漢漸通法朗頃往訶陵國在彼經夏
遇疾而卒懷業戀居佛逝不返番隅唯有貞固
道宏相隨俱還廣府各並淹留且住更待後
追貞固遂於三藏道場敷揚律教未終三載
染患身亡道宏獨在嶺南余來迥絕消息雖
每顧問音信不通嗟乎四子俱汎滄海竭力
盡誠思然法炬誰知業有長短各阻去留每
一念來傷數無極是知麟喻難就危命易虧
所有福田共相資濟龍花初會俱出塵勞耳

大唐西域求法高僧傳卷下

裸國上懸瓦反赤脚也又魯果反鵠樹上胡玄謨下莫年
下洪反 懿客下音撮集上七活反 騞上莫經反下於例反 雜力句反 淵忍未

濱漱上莫經反海也 瘡理也 馬援下院立 搭肩土音荅字徒

錐似下
鑿下聲音善
囊中質之類字
處追反
錐必針反
露一其也
鋒謂畏也
如徒且
刃劬勞上音
勤也衛囊